

松

風

閣

詩

鈔

松風閣詩鈔

長洲 彭蘊章詠菴

卷七 竹西集 古今體詩九十三首

元旦入直

丙申

雞鳴紫陌禁城開
朝闕千官策馬來
乍聽清鐘分五夜
早看星馭集三台
珠燈曉色迎初旭
爆竹春聲蟄嫩雷
西掖旋聞傳警蹕

壽康宮裏問安回

元夕書懷

橐筆歸來日又西
辛盤依舊斷黃齋
愛聽鼓樂兒童鬧

懶向春街趁馬蹄

索米長安年復年每逢佳節意茫然關心冬雪琪花少
麥飯瓜羹費俸錢

江南水旱已頻仍紫粒紅蓮比不登幸沐

聖恩蠲舊賦催租還恐喚難膺

奉詔蠲免道光十
年以前民欠錢糧

太息同懷弱一人女須芳躅委埃塵

去秋歸謝氏
女兄逝世卅年

哀樂都如夢欲向蓮池一問津

幾箇蓬頭似我長半隨京國半江鄉慣教兩地看明月
何日燈前話一堂

莫讀柴桑責子詩芝蘭蕭艾本差池且拈火樹銀花句

暫乞雲卿作塾師

以火樹銀花合句爲題課兒子

野馬

扶桑萬里白駒馳九點齊州任所之豈有魯陽揮日馭
慣隨夸父到天涯飛來直似名無翼驚去還如土不羈
一控先鞭塵網擾何時歸息華山陲

樞直同人許玉叔銓部

球

汪竺君比部

元爵

鄭春

溪水部

喬林

徐韞齋水部

璣

湯海秋儀部

鵬

陳子

鶴銓部

孚恩

朱慎菴水部

應元

劉仲寅樞部

景昌

皆善圍碁每退直時楸枰相對日暮始散或繼以
燭致足樂也余因作七峰別墅敲碁圖並題

嘉樹軒

別墅軒名德州
盧文肅公題

中歲月長爛柯仙侶對斜陽入

方無事逢今日應笑山陰折屐忙

祖芬自家來言山房花木無恙因志八首

古柏依然在蒼虬墮片鱗故鄉千里夢喬木百年春感
彼雪中質念茲塵外人君看桃李樹何處覓輪囷

南坡數竿竹春雨茁貓頭雪澗濃陰合風櫺暑氣收題
詩懷舊侶煮茗憶清遊蕭瑟頻年甚懷哉王子猷

短松吾手植今傍小樓高月上一簾影風生滿壑濤栽
培思物理灌溉勛兒曹應共離邊菊他年侑濁醪

小山有叢桂露冷夜聞香白石鋪金粟丹梯傍粉牆簪

花人寂寞對月影淒涼便化雙黃鵠無心入故鄉

紅梅摧折盡綠萼一枝存春老花還瘦風多日不溫遲
徊無驛使搖落竟芳園欲伴林和靖孤山晝掩門

櫻桃花滿樹花落子垂垂嫩綠兒童摘微紅烏雀窺登
盤仍瑟縮當戶自離披勿翦還相戒濃陰夏日宜

鼠姑紅紫雜爛漫喜今年翠幄春風裏清樽穀雨前孤
蹤留北地客夢落南天憶昔花開日飛觴共惠連

雜花常滿樹不斷四時春一一皆無恙枝枝欲傍人歸
田非下策辭祿養天真嘯傲南窗下翛然遠俗塵

林少穆中丞入

觀卽拜開府湖廣之

命贈行二首

憶昔焚香迓使車
鵲滿野救荒餘
倉儲已仿建安社
水利更成樊惠渠
漸詠樂郊還舊業
歡聞重鎮拜新除
便從述職移旌去
父老攀轅願望虛

湘北湘南亦舊遊
歡聲知已滿江州
丹青路近心依闕
黃鶴詩成夢倚樓
吳楚山川通一脈
范韓旌旆照千秋
荆門東下岷江監
疏濬功應次第籌

輓石琢堂師

先生眞率古爲徒
湖海元龍興不孤
一自簪纓辭

九陞漸看桃李滿三吳

先生掌吳中紫陽書院二十一年

梅開西磧扁

舟共草綠南園步履俱臨別贈言韋佩勛舊題重展淚

模糊

壬辰秋先生送余北行詩諄諄以立品爲勛

重九日黃樹齋師暨汪孟慈比部

喜荀

招集城南

龍樹禪寺

帝城風日迴清秋有約登高結勝遊人與新吟共瀟灑

寺藏古樹更深幽林間鐘磬一時歇畫裏雲山尺幅收

共題畫卷

若對佳辰懷落帽香厨西畔有層樓

少宗伯卓海帆師屬題居庸關題壁圖

先生官太僕卿時奉

命往察哈

爾查馬作

蠟螭絕塞關雄關大漠風雲自往還

鸞掖一書馳太僕龍媒千里貢天閑偶因相馬尋沙磧
更爲題詩別薛班巨眼豈惟能索驥冰壺江上對青山
時先生典江南試歸

寄懷潘功甫舍人

曾沂二首丁酉

辭榮人似雲歸岫一閉衡門歲月深已向千秋期不朽
豈於海內覓知音遊心釋氏參三昧同調吾家有二林
尙友如君且難得應從高士傳中尋

愛聽鐘魚悟靜機名韁一繫與心違強隨朝士趨槐棘
豈念山僧採蕨薇筋力漸衰身欲退田園落盡去何依

紅塵回首茫茫感盤谷逍遙世所稀

吾鄉鄧尉山司徒廟有古柏四株以清奇古怪得名司徒者相傳爲東漢陽夏侯馮異

大樹將軍有古洞庭前翠柏挺虬枝仙蹤縹緲雲霄迴
俠骨峻嶒鐵石支星漢浮槎驚海客天門掣電走山魃
漫求琪樹寰瀛外鄧尉春光引夢思

奎玉庭總憲

照

示承暉園紀

恩詩冊題贈

潞公耆宿三朝望嘉植平泉敞畫圖

園本尊甫煦齋協
揆賜第今復

賜公自昔華堂翔乳燕於今喬木返慈烏一庭花竹新山

墅半畝池塘舊鑑湖聞說登臨腰脚健瘦筇攜手不須

扶

公迎養協
揆於園

送王若溪舍人

積順
典試黔中

洞霄仙吏把芙蓉絳節天南踏萬峰祕閣文章尊典誥
羅施風俗古黃農十年京國鳴騶去九面衡山陣雁逢
盼到歸期呵凍筆鳳池還共聽清鐘

采風吟送鴻臚卿黃樹齋師

爵滋

典試山左

熙時重采風采風闕言路峩峩辟邪冠彈章亦無數吾
師諷議冠柏臺霜華落簡羣小猜擊奸鉏暴皆得實
帝曰納言汝懋哉擢之大鴻臚重申且有命清卿本合

陳封事毋以遷秩虛朝請公酬

主知戒緘默未辭言責敢忘直江南豪猾久病民蔓如
荒谷生荆棘又如天鳥巢深林庭氏張弓不敢弋一疏
達明光風雷下九閭馳命疊吏按其罪一一俛首罪狀
詳良民歡呼蝨賊去萬戶樂業安耕桑吾師采風張國
紀股肱耳目

聖心倚皇華出使歌駢征更爲

朝廷得賢士豈惟得士賢使車所至民瘼關我聞今年
夏山東大旱粟騰價萊夷小醜初殄殲脅從愚民荷矜
赦民貧每易生奸邪誰令務本涵醑化我歌采風吟悠

悠我思深由來致治尊儒術泮水飛鴉懷好音

自題金陵策蹇圖寄汪錫榮

一別秦淮二十年歌聲燈影渺雲煙每思打槳長千里
不負秋光落葉前

清涼山翠六朝秋策馬城闌記舊遊

丙子秋偕家玉樵兄仲山弟仰山姪

騎馬遊清涼山

彈指光陰人易老莫愁湖水古今流

今仰山已逝世

十里秋山做畫圖鞭絲帽影認模糊槐花時節多風雨

曾記茅菴信宿無

癸酉歸棹阻風與錫同住攝山寺

芝軒相國贈盆桂時花事已闌藏之窖中以待來

歲賦謝

天香吹罷廣寒宮，昇向城南野菊叢。
只爲託根憑尺土，慣遲出窖待東風。
小山築後探幽便，嘉樹封餘拜賜同。
分付園丁勤抱甕，秋來金粟滿堂東。

十月望後偕胡典齋農部

增瑞

直宿西掖

料峭新寒小雪天，人來西掖對牀眠。
得閒聊復評詩卷，無事還思愧俸錢。
記詠

賜瓜如昨日

去年與典齋同直賜哈密瓜

豈知橐筆又經年，斜陽影

裏收魚鑰，坐看飛鴻度遠煙。

何一山舍人

桂馨

提學蜀中，匆匆別去，未有贈言。

十月八日淀園對雪奉懷二首

講學文翁秉鑑衡
油幢遙指錦官城
似聞鼙鼓喧夷落
時馬邊夷落
滋擾用兵
況值風霜賦遠征
別墅敲棋如昨日
函關

立馬數前程
爰知烏道千盤裏
聽徧猿聲杜宇聲

小謫還堪住
玉京蓬萊仙籍久知名
白華早遂娛親志
紅藥重殷筮仕情
官職如君真大耐
文章自古本天成
開軒獨對西山雪
應與峩巒一樣清

知病吟

戊戌

知病不知藥
黃帝內經空糟粕
知藥不知病
神農本草
戕性命
知病知藥求速瘳
毒藥何異吞戈矛
元氣暗損
盧扁愁更有未病先服藥
自謂攝生莫我若
反招二豎

來作惡吁嗟乎隔垣之技世無人但當食粟飲水全天
眞

送潘順之明經遵祁歸里

盡道功成咳吐中多君恬退守家風雲霄會趁雙飛翼
猿鶴招還一畝宮驛路蟬吟秋柳碧江城帆挂夕陽紅

惠連莫惜樽前別

謂星齋
昆季

春草池塘有夢通

贈秀水朱慎菴比部應元

幾載論交懶贈詩因君樸素厭華詞家風不數鴛湖曲
世德常遵鹿洞規入座衣冠存古意盈囊篇帙富新知
五陵年少多輕薄應倩先生作笑師

行吟

行吟喜趁晚風涼
遠樹蟬聲帶夕陽
雲外秋山無俗態
湖邊殘芰有餘香
那知世路塵埃滿
但覺閒身歲月長
愛諷詩篇消永日
不論漢魏更三唐

詠五代史十六首

入牛讖應轉天歌
宣武軍威竟若何
已見神人來踏棘
不須文面健兒多

漫將穿眼恨錢塘
一見元璚喜欲狂
使者不知加字令
淮南空戴斫頭楊

中牟諫獵叱沙陀
挽袖諸伶進責訶
犬走鷹飛閑地少

談諧遺賴鏡新磨

翠輦親臨倉草場民膏不惜惜官償穿墉雀鼠從增耗
狼戾千秋此濫觴

雲霞道服上清回節度中原走馬來樞密若辭金百兩
蜀山霸業豈重開

蒼躍江陵問卜奇高平策馬奪牙旗病龍臺畔雄圖盡
大繖仙經入夢時

怡州仙侶築靈壇早莢林中久鍊丹神讖早傳逢二乍
爛柯他日發書看

休休亭子倚中條避地頑貽隱士招散盡虞鄉千匹絹

王官谷裏自逍遙

翰林撰勅賜希夷四海閒人答詔詞一拜拾遺辭不就
倏然歸隱華山陲

後苑調鷹叩閣難河橋兵叛起長歎磨穿鐵硯終何用
眼看雄州陷契丹

九龍宮殿玉爲梁漁父詩篇諷諭長堪歎舉轂分手去
碧湘湖畔斷君腸

牛背微吟畫竹枝道林古寺人棲遲早梅賦就前村句
膜拜袁州一字師

步輦珠簾數里香打毬內廐瘦飛黃朝天法曲高冠子

萬里崎嶇歸帝鄉

漫將蒲博喻從戎迎立湘陰訝侍中聽到琵琶雷繞殿
太常藝事比耶工

乘醉金輿下綵山畫船千炬放歌還大家自製甘州曲
說與賢王涕淚潛

懸羅百匹狀銀河延巧中庭七夕過染出露華天水碧
家山一曲恨如何

周容齋水部

爾壩

以楊甫先生手書直幅見貽賦

謝己亥

楞伽山人

楊甫先生自號

是我師平生著作古文詩卽論書法

嗟神妙風骨遒勁超凡姿芳草堂

先生堂名

中曾捧硯慣看

先生書白練揮毫一霎走雲煙疾如駿馬追奔電先生
言書在腕下以目諦視非至者譬如行文誦在心借書
於手爲心寫世人舉筆苦模形塊然土木何由靈前賢
下筆風雨快矯如神龍迅飛鷹此書頗得眉山意吾家
二林亦相類晚年參半諸城劉厯落欹崎出古致感君
令我念友生投來拱壁儕連城二十三年悲宿草先生
往矣吾亦老

春日訪王魯園農部

璪

城中寓齋卽葦間叔父疑

野山房故宅憶余己卯歲應春官試嘗寓於此感

而有作

螺髻當窗石磴盤森森喬木蔭逾寬一簾花雨迷春晝
廿載光陰下急湍海湧峰頭悲宿草桑乾河畔憶征鞍
忽因訪友添根觸獨立空庭曉日寒

送阮芸臺相國致仕歸里

詔許平章遂乞身冰銜重錫拜

恩綸二分明月縈鄉夢一代靈光屬老臣解組幾回邀
篤眷歸田難得是清貧蒲帆去去邗江近杞菊門前秋
色新

輓蔣我持表兄

泰均

綠水蒼葭舊宅荒卜居聊復慕韓康采蘭已畢承歡志
蓄艾誰傳卻病方別去相看年鼎鼎書來早說視茫茫
不堪重聽山陽笛煙樹江南望斷腸

病假懷同直諸友

人倚藥爐邊愁心共藥煎家餘桑落酒病過菊花天月
色看如畫鐘聲聽隔煙西山違咫尺悵望倍悠然

君子行

庚子

君子期報德宿怨非所思天懷常浩浩不知世路危如
何睚眦忿相復無已時身處荆棘中何時釋憂疑韓侯
雖不學千金酬一飯袴下被羞辱曾不尋舊怨奈何一

室中兩心如冰炭夷齊怨用希千秋令聞垂

淀園拱宸樓晚眺懷典齋農部

獨上高樓眺遠岑詩情畫意此中尋
蟬聲宜近復宜遠
山色乍晴還乍陰楊柳弄姿風裊裊
芙蕖含笑水深深
遙憐卧病蘇臺客何日重來話素心

時聞典齋卧病蘇州

題沈曉滄太令

烟垣詩稿

塵海何人聽郢歌沈侯詩卷妙冲和飛來燕市雙鳬舄
夢到吳山萬翠螺民望歡如思愛日宦情笑共指秋波
誰言簿領無清興自古才人吏隱多

題文信國書冊

字水文山挺異才悲歌燕獄亦堪哀關心海島龍歸日
不斷風煙萬里來

第一仙才寶祐年文章氣節冠羣賢捐軀不待臨柴市
千里鯨波送海船

萬騎倉皇起一呼落花臺殿冷西湖傷心鼇背舟中句
剩有容州哭秀夫

湖山蘋蘩水雲詞寥落琴師更畫師應共參軍晞髮集
化將碧血灑江湄

箜篌引

辛丑

海天煙霧將公無渡公不願身撫劍震怒

一解慨當以慷

憂思難忘洪波萬頃長鯨吞航二公身則喪公心則壯

公乎公乎古之名將三解酌酒重淵弔公之魂魂兮歸來

海邦是蕃四解

淀園七夕陳子鶴同卿半恩飲同人於七峰別墅

口占

幾樹吟蟬報早秋肯教佳節負清遊閒情只許談風月

別意何勞問女牛漫說巧從天上乞須知仙向飲中求

同座撥開醉眼看山色共上元龍百尺樓

梁吉甫逢辰登第省親於吳門節署贈行一首

五花同判鳳池邊西掖讐書更幾年老大登科吾輩健

松風閣詩鈔

卷之七

三

飄零作客主人賢

庚寅冬君招余同寓上斜街文酒之譙殆無虛日

思親復泛

江頭棹送友重攜陌上鞭正是石湖秋月朗畫船簫鼓

讓君偏

九日大司馬卓海帆師招飲用越笠耕岡卿

良游

寶藏寺韻二首

雁影橫斜字數行寒雲如絮作重陽西山眼底撐空碧
南園霜前著嫩黃惜別詩情縈畫舫探幽秋色滿風廊
座上披湖山話別圖前二停杯覓句神清絕曾向花溪
日游寶藏寺秋海棠盛開

問草堂

卜築城南欲避囂去天尺五望迢遙爲招吟客佳辰選

共對清樽逸興饒人憶秋風登太華

公有登華圖卷

心如明月

傍層霄梅花社裏如相問不讓吳山載酒邀

公寓吳門會入問梅

詩社

重九日招附冕薌觀察

樸

何一山舍人盧立峰侍

御毓嵩

吳崧甫侍讀

鍾駿

馬吉人比部

學易

曹艮

甫比部吳清如舍人齋中翫薌薌良甫兩君先

成詩餘一闕以詩奉酬

羣仙玉佩戲神洲滿眼風光到九秋海上濤聲驚斷夢

燈前花影寫新愁飛章幾度馳寒驛吹笛何人倚戍樓

坐客漫勞鄉思切捷書應已過蘇州

坐中皆吳人

感懷四首

治安疏上意如何欲點黃金并塞河
菱楮幣輕泉府匱芙蓉花爛盜糧多
南荒萬里通交趾名將千秋憶伏波
一炬華陽成恨事刑書緩鑄悔蹉跎

落伽山翠對蛟門萬丈鯨波海氣昏
驚見布帆飛鶴雀頓教茅舍散雞豚
炎天水漲無深島小邑時平少列屯
聞道磬鴻滿中澤恨無黃鵠翅高翻

綠楊城郭是蘇州羅綺山川秉燭遊
驛馬渡江傳警報樓船橫海話新愁
早聞犀甲揚兵氣更盼魚符出勝謀
暮雨瀟瀟聽不得阿儂齊唱大刀頭

聖主懷柔法網寬
天關容爾叩長安
共言卉服招攜便
不道珠崖罷擊難
蜃氣噓空情本幻
颶風吹浪聽猶寒
南征鼙鼓春來急
千里牙旗渡急灘

易州懷古

匹馬蕭蕭易水寒
當年擊筑怒衝冠
虎狼一入生還少
壯士何曾負子丹

七首真能陷祖龍
函關豈失舊時雄
爰知博浪沙中事
未遇圯橋黄石公

辛丑歲暮家鐵珊叔有書問訊寄答

爆竹聲中寄尺書
開緘應在試燈初
十年青瑣紫鄉夢

兩樹碧梧懷故居

余所居碧梧廬叔嘗過訪談藝竟日

烽火幾時消斥堠

衡廬還欲問樵漁喜聞大阮清狂甚南園他年共荷鉏

出西門

壬寅

出西門單騎奔追兵至煙塵昏問君胡爲棄甲歸上慚
滄浪之天下顧黃口小兒噫誰令甬東星散城烏啼蛟
鯨據窟海水飛司寇執法孰云其非朔風何烈烈馬嘶
聲嗚咽長安市上走轡車悔不陣前噴熱血

白頭吟弔裕魯山制府

謙殉節

和如朱絃琴靳如玉勒驂聞君有他心口中石闕銜今
日海堦邊明且郡城裏呼君君不來馬嘶聲欲死我命

良可輕賀君得獨生顧此黃口兒我死中心悲鴉啼何
啞啞鶴唳何哀哀丈夫圖報國何用偷生爲

題唐李少溫書縉雲縣城隍廟碑

城隍之神載祀典佑我下民神丕顯有司致祝宜申虔
水旱祈禱風雲轉縉雲大旱乾元年山谿水涸井無泉
五日不雨將焚廟陽冰禱語何忿愾有司愚慙神不怒
神鑒有司爲民故及期四境霑甘露吏人耆老皆歡心
乃卜山巔改祠廟酒醴牲牢勤賽報泐碑紀事令何賢
愷悌君子神所勞

我所思七章

聞上海鎮江告
警吳人避難作

我所思兮江之潯欲往從之江水深側身南望不得渡
黃鵠高飛歸故林嗟我人兮不如鳥鄉關千里催人老
有弟有弟守家山耕田讀書三十年抗心希古任所尚
欲與嵇阮相追攀里門夜呼寇將至圖書滿屋起長歎
何時把臂堯峰麓與爾閉門食齏粥

出門三千六百日同氣四人喪其一有姊少年守苦節
今茲垂老兼多疾兒孫扶掖入山去潯暑茅檐忍飢渴
我聞此語淚霑衣籃輿江上歸未歸

有兒三十守墳墓五月移家向瓜步蜃氣吹腥不可居
戢社茫茫布帆渡羈旅重煩賢主人祠堂薙草結比鄰

又驚風鶴萑苻澤何處江湖卜安宅

一女無夫誓守貞一女早嫁從吾甥伶仃弱歲喪阿母
阿耶遠去宦鳳城十年不見心常苦今夜月明在何所
弱齡相伴兄之女寡鵠翻飛去湘渚早知故里無一椽
託迹金陵非鄉土秋風起兮露爲霜江洲潮落蒹葭蒼
尺書不到今三月仰視浮雲天一方

我所思兮葑溪塘百年喬木陰清蒼聚族五世環其旁
與我父兄子孫行先疇無恙敝廬在得毋薪木多摧傷
飛鴻嘹唳東南翔覽衣中夜心徬徨

梁吉甫樞部書來知將由吳歸聞詩以寄懷

又聞平子賦歸田千里郵書意惘然欲向山中課耕牧
可憐海上滿風煙側身天地迂儒淚極目江湖估客船
何日蕭齋共樽酒重將書畫了因緣

壬寅重九偕吳補之比部

光業

陳子鶴同卿程容

伯比部

恭壽

聶雨帆儀部

漢

朱鐵琴銓部

憲曾

遊

西山寶藏寺爲登高之會

重陽卻喜無風雨嶺上僧寮著屐尋蜃市初聞消幻相

龍山聊爾發清吟

時海氛初息同人始得閒暇

三年曾共題苔壁六

逸重來話竹林閩嶠有人成獨往定逢佳節憶登臨

己亥

九日林帖瞻比部招遊此地今帖瞻已假歸莆田

翻身躍馬如游龍魚貫連翩飛白羽更看步射志穿楊
序賓以賢以不侮挽弓掇石意氣豪隻手持刀背面舞
猛士從來守四方眼中千人皆勁旅頻年江海修邊防
爪牙之臣整戎伍

帝心宵旰求千城每思將帥聽鼙鼓

輓相國王文恪公

氣象巖巖泰華岑十年樞院感情深薦賢夙抱匡時願

折獄常存愛物心科第無緣稱弟子

余丙戌禮闈受知於公旋以額溢見

遺公嘗惜之

文章有幸遇知音

比歲科場每命擬作文成輒加獎許秋風瓠子

功成後噩夢傳來痛不禁

公持節中州督工事竣回京病卒

送楊雪萊光祿

慶琛

致仕歸里二首

千里歸鴻度遠岑，斷雲一片寫愁心。
江湖浩蕩閒蹤寄，蘆荻蒼茫秋氣深。
日下鸞羣榮舊夢，天邊鶴羽弄清音。
鼇峰頂上重回首，煙樹迷離思不禁。

偶從勛寺託苔岑，朝罷論詩愜素心。
三月同官情不淺，一編問世念俱深。
方看槐棘垂濃蔭，忽聽松篁送好音。
此後鎬京歌飲福，鳬莊誦思難禁。

神倉納穀歌

一夫不耕或受飢，重農貴粟良法垂我。

朝務本邁前古。

親耕

帝藉勤四推三王九卿踵相接

至尊乃御觀耕臺均田納禾時不害黃雲被隴歌樂歲
或逢水旱穀不登蠲租頒賑神哉沛以茲勤恤迓天和
稔秸千倉儲不匱馨香

至治感神明五風十雨歡

皇情自今以始歲其有大田之稼如坻京

立春日偕京兆尹李

德

恭進春山寶座

甲辰

土牛送寒氣句芒祀大神迎春東郊萬象新

皇畿調玉燭八埏蒙景福風雨以時五穀以熟曰臣京

兆尹與丞跪進春山玉陛登如山之壽兮如日之升如
春之煦物以宥我羣生羣生熙熙出作而入息

天子乘春布闔澤

短歌行

對酒當歌我懷如何願瞻周道心如枕戈一昔有蚩尤

銅頭鐵額涿鹿興師軒轅克敵二積惡不滅須之以時

茫茫天道豈曰無知三龍鼉橫海鼓浪千里涸之水濱

其患乃已四千夫一心其利斷金若歲大旱用此作霖

五解

題吳梅村畫山水和周容齋農部爾壙韻

易代名人盡達官未堪學步是邯鄲可憐烏帽黃塵客
遺老山林冷眼看

瑟瑟疏林秋氣清
差差遠岫晚煙平
茅堂自有高人在
坐看閒雲腳下生

桂樹連蜷山氣收
誰招宋玉賦悲秋
一朝詩史公評在
不礙文章第一流

遺恨未曾辭祭酒
詩人兩字墓旁碑
一錢不值傷心甚
腸斷千秋絕命詞

孟夏初吉行

常雩禮

聖駕齋宿隨扈侍班恭紀

鳳樓初日曉鐘聲砥路無塵

翠輦行部屋豐年關國計大田甘雨軫

皇情朝儀肅穆駕班集

天仗森嚴豹尾輕觀象正符龍見候西山一抹溼雲生
時方小旱是日濃陰密布

馴象

錦裝馴象屹生風萬里梯航桂海通荒徼貢來

仙仗外奚官象向

帝城中玉河浴後英姿爽

翠輦駐時細步工愛爾有牙曾不噉故宜龜鶴壽年同

丹青行贈奉宸苑沈供奉

振麟

沈郎與我同鄉縣廿年供奉南薰殿閒來不使硯田荒
夢裏曾驚筆花燦當年西域擒渠魁大將成功紀入戰
渾河浪險戮鯨鯢冰嶺風高度鵝鶴羽書奏捷頌神武
犀甲凱歸樂清晏銘功鐵蓋威棱昭繪像紫光神采煥
君時抽毫寫戰圖山川咫尺風雲變矗立龍蛇玉帳旗
橫飛鷹隼青莖箭將軍參贊皆人豪英姿一一開生面
更畫午門受俘儀千官劍佩矜雄盼

至尊臨御鳳樓高雉尾雲移仰天半圖成鐫板賜近臣

曹霸丹青人共羨時平不復狀褒公筆妙還能學韓幹
葡萄歲歲貢天閑慣寫龍駒壁東絹霜駮厯塊爾浮雲
紫鬣嘶風流血汗內府瑤箋別樣裝翰林金管親題讚
全家託迹傍

御園終年待詔依香案何能屢覩尋常人佳士相逢差
不倦爲余曾寫早朝圖羊燈貂服趨平旦微雲藹藹籠
槐棘曉月纖纖隱宮觀今屆天中賜葛辰殷勤贈我齊
紈扇寒梅壓雪一枝斜修竹凌冬數竿健卽看餘技已
超羣多感深情留把玩炎洲瘴癘未全消欲送清風揮
赤岸

讀從會祖秋士先生詩卽倣其體

吾宗高士推隆池

隆池山人諱年前明隱逸

後有竹里老人堪繼之

七世從祖貽令公諱行先

秋士去今不百年嶽崎磊落致與古人齊

其心不可一世若將浼壁立千仞俯視青雲低空桑之
琴不惜鍾期死渥洼之駿不受九方知涼涼乎高哉曾
點狂原憲貧被褐懷玉遊乎聖人門松筠有節兮杞梓
有文曠百世兮垂清芬豈知夫秋風窮巷朝不食夕不
食志士多苦辛彼閭閻城內鳴鐘列鼎已逐飄風急雨
奄忽埃塵涼涼乎高哉其無懷葛天氏之遺民

養魚吟

養魚水勿太濁濁水養魚魚不樂養魚水勿太清清水
養魚子不生不清不濁魚性宜養魚之人知不知

榴皮仙蹟有序

世傳榴皮仙蹟云西鄰已富憂不足東老雖貧
樂有餘白酒釀成緣好客黃金散盡爲收書仙
蹟在浙之東林山沈東老家

西鄰富東老貧誰其書者同道人榴皮埽壁字不滅其
形非篆非八分嶽崎厯落出古致二十八字羅星辰至
今訪道東林客靈芝滿地神仙宅

山多產
紫芝

黃生式度

應王夔堂學使之聘襄校北平有詩留

別和韻贈行

頻年作客興如何眼底千篇未覺多

黃生從余校士潞河

文向歐

曾探絕業人來燕趙聽悲歌太行晴雪消丹嶂易水春

風漾綠波待伴轡軒還日下芰荷香裏此經過

約六月還京

慰高應禮部試下第將歸適余校士潞河前來叩

別信宿而去詩以勸之

十年守墳墓今賦鹿鳴來幾日歸裝促長途夏雨催吾

衰憐此別天意老其才莫負童年學蟬編一一開

春湖弟

蘊煒

應春官試下第南歸有詩留別和韻

人隨社燕覓巢來飛絮漫天忽送回眼底關河增感慨

樽前歌嘯且徘徊青松不改凌冬節紅杏終教傍日栽
九陌鶯花遲兩度重看策馬到金臺

淀園樞直退食之所曰七峰別墅堂曰有嘉樹軒

余居其西偏已七年矣今夏屋圯於雨乃假別墅

西軒以居西軒乃方悔軒北部銘彝所居也因題

壁奉贈

學舍小如舟高風似死邱先生古懷抱此地久淹留庭
草秋還綠軒窗晴更幽我來借三宿夜夜夢滄洲

聞胡典齋農部歿於蘇州途次詩以哭之

相知曾幾日一別竟千秋翰墨堪垂久君書學晉唐爲同儕所推服

年華逝不留旅魂招茂苑鄉夢斷袁州

君袁州府萍鄉縣人也歸

觀空江上何人艤麥舟

扇子湖竹枝詞十二首

春街燈火曉寒留又見羣仙下十洲躍鯉聲中冰乍泮

東風吹綠柳梢頭

每歲正月下園

雨後春泉出峽聲板橋新漲錦紋生可人一角山如髻

倒影湖流對鏡明

傍山樓閣對晴暉遠樹參差綠漸肥隔岸風光應更好

一雙燕子掠波飛

春山雲影望模糊極目平沙滿綠蕪一頃清波萬楊柳

登樓人似到西湖

漸看貼水碧田田吹過番風四月天
侵曉湖隄來策馬
楊花如雪草如煙

玉勒珠輪鎮日忙幾家山墅鬪羣芳
兩三吟客來何處
大樹菴中看海棠

亭亭翠蓋倚薰風落日蜻蜓點水紅
忽聽輕雷催雨過
碧天無際陣雲空

瓜皮艇子采蓮人折得蓮花渡玉津
日暮歸來香滿袖
不知身在軟紅塵

玉泉山下秋水清扇子湖邊秋月明
禁苑清鐘晚來急

寒蟬時送短長聲

昨夜濃霜染翠螺西風拂水水增波昏鴉繞樹秋光冷落葉空階向晚多

綠波漸漸結層冰月出湖隄夜景澄最是五更風不定十分寒色水邊燈

大好湖山未是家鳳城六出早飛花共隨

仙仗回

金闕收拾行囊薄笨車

每歲十月或十一月入城

還山吟送魏笛生觀察

茂林

引疾歸里

還山吟丁沽風急秋水深送君還山勞我心與君相識

長安道玉署金堂置身早忽看平子賦歸田彈指光陰
吾亦老世間榮利如浮雲莫誤千秋著作身收取聲名
揮手去鴻鸞鳳舉凌埃氛布帆遙指廣陵樹曾是當年
釣遊處龍巖山下蘓溪清待君還山歌濯纓

金臺書院課士作

春明門下人才藪成均造士前無偶城南隙地闢講堂
師儒裁抑斐然章我來京兆三考校孤陋何能益文教
眼看千里馳龍駒早喜一斑窺隱豹揮毫四座靜不喧
庭院日長晝閉門恍憶春風亭畔坐拈題經義誇紛綸
比來名場多軌法黃金賣賦踵相接諸生有意栽春花

先向階前埽敗葉

吳門紫陽書院有春風亭

漢石經殘字

中郎書經勒諸石雒陽太學空陳迹北齊遷鄴石飄零
古文半已埋沙礫開皇由鄴徙長安尋逢兵燹重棄捐
唐代披榛十得一至今千載摹本傳其文多與今文異
執車置杖參疑義寥寥殘字惜無多蒐羅堪補經籍志
或言漢石久不存今之所傳皆出魏公羊篇載石碑名
因知此非伯喈隸繹山之碑棗木翻世間神物難久完
摩挲古思茫然積蚪蚪千秋出孔壁

仲冬月望吳清如舍人

嘉淦

蔣心香水部

德馨

招

木犀詩金 卷之八
同人爲消寒之敘余以哈密瓜相餉清如有詩次

韻奉答

凍雲遮斷遙山碧庭樹蕭蕭帶寒色兩三吟客方開樽
佳果輦來自絕域三冬無雪梅不肥牘有殘菊依疎籬
燉煌之瓜供詩料落實聞異中原期攜之懷袖贈所好
黃斑的的筐中提甘寒味在酸醎外想與蒲萄同入塞
綠蔓曾澆疏勒泉瓊漿欲傲蓬池會舍人吳下詩名久
水部清詞還富有消寒故事開吟壇擊鉢狂歌將進酒
筵前得句燦天葩報我何殊投木瓜漫誇佳色邵平宅
忽馳豪興張騫槎憶余西掖擁衾重拜

賜上方隨酪湏

樞廷每屆冬日上賜哈密瓜鹿尾鹿肉雞魚等物

金刀剖食記

年年每懷苜蓿邊庭種荒微何知稼穡艱清時屢卻珍

奇貢款關膜拜諸番奴如飴爭食周原茶西陲千頃出

開墾屯田萬里懷永圖

西陲新墾田凡若干頃番民賴之

坡公生日同人設樽爲良甫壽

蘇公生以髯得名其詩萬竅天風鳴髯乎髯乎世多有

髯而詩者吾友惟曹生曹生蹤迹半天下名山大川腕

底寫長篇兀傲傾涪翁小詩清奇逼東野詩人之壽當

在詩大撓甲子非所知今逢耳順謝賓客稱觥相戒無

華詞君生仲冬坡生季月同生霸三日旣

良甫十一月十九日生

不薄今人愛古人
祀坡祝君可君意
掀髯一笑詩思催
峩嶻山色橫空來

良甫清如金心畬太史

陶善

馮景亭太史

桂芬

同

集詒穀堂消寒清如先得詩和韻

禿筆螭頭已罷簪

時余初出樞垣

草堂棋局賭山陰
掀髯一笑

同搜句把臂何時竟
入林華燭香鑪春
盎盎疎鐘寒笛
夜沈沈酒闌簷角
明星斗莫慰看雲
望雪心

炙硯和沈生

際清韻

寒生水骨夜沈沈
鐵硯磨來雪色侵
古鼎輕煙槐火活
仇池暖浪墨痕深
無端煉石千秋感
依舊生花百首吟

待到晴窗揮翰便陰寒有帖任君臨

呵筆和錢生

世銘韻

冰花初結硯池紋
禿筆僵如怯敵軍
誰向管城吹暖律
頓教文苑策奇勳
彩牋仍瀉行間露
畫本重翻腕底雲
一霎春風容易到
神龍噓氣共超羣

歲暮懷琴涵問梅詩社

憶昔山中居問梅
會幾度白髮鄉先生
皆耽林壑趣春
秋撰佳辰花間同覓句
從容弟子行惜哉光景遽
君旣出一麾我踏紅塵去
歲月迅如馳春明僅一遇
君今早歸田重尋釣遊處
我尙濫朝簪夢想芳洲路
燕山風怒

號枯葉下庭樹爐火撥殘灰驚心歲云暮遙思香雪海
 花塢明連璐羨君發清興春暖扁舟渡幸有紫陽翁攜
 手林間步朱蘭坡先生掌教紫陽書院舊侶感飄零為弔郁元墓時
琢堂韓桂舫吳棣華尤春帆諸先生皆逝
 舊時同社祇琴涵暨蘭坡先生兩人而已

黃淡思歌 乙巳

歸歸黃淡思人言實可危抱此耿耿心惟有天公知
 歸歸黃淡百故鄉去咫尺故鄉不可居天涯仍作客

禽言三首

布穀布穀春雨如沃梁麥熟北方足
 不如歸去食疏衣布欲行不行歲將暮

於忽乎日西徂昔時新婦今日婆少年不學奈老何

山水吟答江翊雲水部

鴻升

畫山欲畫從龍之華岳畫水欲畫浩蕩之滄洲滄洲萬
里波濤闊華岳千仞雲煙稠挂君高堂當臥遊乾坤清
氣胸中收嗟哉此事稱神妙荆關千載何悠悠南宗董
巨源北宗李營邱氣骨恣雄放神韻含清幽後來作者
倪黃儔下開文沈唐與仇四君英俊皆吳產子生已晚
二百秋斷縑殘墨時獲見石田下筆尤蒼道少時愛摹
石田畫今茲老矣聊託豪素解煩憂一邱一壑狀幽境
求無塵土毫端留崑崙方壺讓能手夢魂不到海之陬

因君索畫長篇投令我狂吟遠眺登高樓

丹青行贈宗山袁生

崇

天下幾人畫山水書家潑墨游戲耳丹青之筆久不見
袁生好古猶能此山蒼蒼水泱泱霞丹雪白斜陽黃山
迴露樵徑水曲圍漁莊古塔松頂出小艇蘆梢藏此中
未許塵客到只宜隱士來徜徉山川清曠遠凡俗佳境
何由聚尺幅川疑王宰之輞川谷是李君之盤谷袁生
家居鐵甕城飽看江上羣峰青自罹兵燹出門去流落
長安以畫名我家吳趨人物藪卽論畫法前無偶文沈
唐仇推四賢流傳最廣衡山叟我愛衡山丹青筆搜盡

殘縑百無一邇來頗復喜石田孤邨風雨神氣全

余藏石田

孤邨風雨圖

對君丹青詫奇絕令我斂手心茫然

爲汪鑑齋水部藻繪花山松徑圖并題

吳中亦有蓮花峰巉巖秀擢青芙蓉直上山顛尋古寺
半山隱隱聞清鐘盤紆石磴出林表濃陰十里環青松
喬柯夭矯倚絕壁低枝蒼翠藏琳宮濤聲喧空山谷應
疑挾雷雨騰蛟龍山前一塢秀花竹兩崖瘦削森西東
其間有徑名鳥道勢如峽束風雲通山陰天池更幽峭
飛瀑萬丈鳴淙淙潛虬噴霧深潭黑丹砂出地流泉紅
此中疑有采藥父欲邀共訪浮邱公紫芝可采秋谷裏

白鹿相隨雲岫中我遊花山尙年少今驚兩鬢如飄蓬

廿年不到白蓮社

余在問梅詩社時曾登山巔

策馬長安拋短筇松

根茯苓不得刷煙霞空羨幽人蹤何年身入畫圖裏與

君芒屨山間逢

遂啟謨鼎歌

并序

漢陽葉東卿先生

志訖

得古鼎於關中岐山縣

城北之滎湯邨土中審爲周宣王時物因輦置

江中金山以配焦山周鼎徵詩紀事

古人作鼎紀功德壽如金石傳無極遂啟謨鼎古不聞
岐山城北今始出兩耳三足完且堅饔飧文環潤如漆

其高二尺強四分其徑尺九量繩直以權準兩重幾何
三千六百三十一腹中古篆十二行百卅四字銘其側
曰王在周之邵宮十有三年正月吉丁亥乃格於宣榭
侑祝從王廟門入啟謨帥師我武揚冊命功臣史載筆
博伐獫狁洛之陽折首六百執五十錫之乘馬彤矢張
朱黃轡旗加攸勒利用征伐享祀宜子孫永寶銘詞畢
觀茲篆法類籀文測算甲子窮奇劫年推乙酉本竹書
丁亥爰知是八日周宣中興歌出車元戎十乘威九域
方叔召虎壯其猷啟謨功烈何無述應與岐陽石鼓文
千秋疑信雅詩逸快哉此鼎出荒原鑄文未使土花蝕

陳列几案光熊熊摩挲點畫狀疑疑歐公集古金石富
先生博物古鼎得乃知物常聚所好天工呵護非人力
無專之鼎鎮焦山周宣時物今無匹此鼎置之浮玉巔
兩峰相望江南北漂流百戰幸同存頡頏千載非孤立
寶氣應干牛斗邊雙虹夜夜清波吸

題九世從祖隆池山人

年

書白樂天池上篇

有明一代傳隱逸山人高節居其一

見明史
隱逸傳

鶴書屢卻

當路徵豈惟翰墨工無匹書此樂天池上篇故紙流落
三百年信哉通神貴瘦硬巖巖酷似顏平原當時爭購
山人書盛名藉藉傾三吳弇州題詩珍什襲名流鑒別

知非虛

此卷爲王弼州屬書
後有弼州詩并題跋

齊名祇有文徵仲山人手

蹟世尤重平生不輕爲人書殘縑落落朝陽鳳又聞山
人之終先自知炷香測晷果如期西州石折文翁廩算
數豈等景純推樊籠不久栖鸞鶴雲霄一舉窮遐邇誰
向隆池訪故廬欲尋古墓寒山麓

燕山八景

居庸疊翠

千里龍蟠擁

帝京巒嶠山色插天橫於今絕塞

巡黃幄終古雄關護紫荊佳氣蔥蔥連北極仙雲藹藹

接東瀛九邊要地歸馮翊四海爲家詠太平

玉泉酌突

晴空飛瀑灑

恩波襟帶

離宮入

御河抱甕曾澆

溫室樹穿渠好漑玉山禾跳珠錯落霑

雲罕觸石琤璫雜佩珂直擬銀潢天上瀉濟南一勺笑

盈科

太液秋風

玉鏡波涵太液池祥風京國早秋時荷心仙露分金掌
柳外輕陰鎖翠眉鋪錦漫賡唐代曲飛雲合唱漢宮詞
盤雕翮健清霜下習戰昆明試水嬉

瓊島春陰

瓊島雲歸深復深羣仙樓閣暮春陰翻飛乳燕迷華棟
澀語新鶯隔上林一角煙中看黛溼數聲花外聽鐘沈
籠將清淺蓬萊水不受紅塵一點侵

薊門煙樹

獨客登樓望薊門迷離一色接平原春深綠樹依官候
日出青煙散古屯代馬來時森朔氣塞鴻歸處鎖霜痕

本朝詩集 卷之八
叔枏常帶風雲勢指點盤龍第幾村

西山晴雪

羣山掉尾太行東作臂

神京氣象雄半嶺寒光浮雪白六街春色壓塵紅仙人
琪樹當空見王母瑤臺入望中此地清涼勝江左石泉
連竹翠巖通

盧溝曉月

長橋北走跨桑乾曉月明沙一據鞍燈影送殘千里夢
鈴聲訴盡五更寒虹梁躡處梯雲上玉鏡飛來撥霧看
到此征塵應撲盡春明門下辦朝餐

金臺夕照

黃金市駿築高臺弔古登臨暮色開樂毅二城虛霸業
昭王千古枉憐才無邊落木樓煩下不盡寒雲易水來
獨有酒徒還擊筑歌呼燕市一傾杯

同里陳子寬司馬

同哲

屬題重臺桂圖

圖係令兄詠齋觀察

所作僧

童心畫

天香吹下廣寒宮及第花開第一叢

乾隆己丑詠齋先生廷對第一先有

重臺桂之瑞

怡與吾家芝草瑞並傳佳話遍吳中

雍正丙午吾家香櫟

樹下產靈芝明年先會祖尚書公以第一人及第

鉏雲小築封溪濱共指君家說遠鄰

吾家鉏雲園花木頗盛

惜少

老屋閒詩集 卷之八
童心留畫本平泉草木記難真

杏樓出守潯州假歸吳門戲作揚子秋帆圖以贈
兩點金焦在眼前紅塵有夢落江天一塵衣錦人爭羨
記否同舟廿七年

已卯春官試
杏樓同舟

殘菊

盆菊栽來忽已殘花容憔悴倚闌干
未堪詩酒娛清宴
賸有冰霜閱歲寒孤負籬邊陶令賞
沈吟江畔楚人餐
燈前瘦影描難似留與山齋話古歡

受業蔣彬蔚校字